

#5

TE FAKAPŌ `LOKA O IKA

PEPA O FAKAMATALAGA

mō tino fāika, tino fakatau ika

mo tino `togi ika



KAIA

Kafai e po`loka kae pa`keke a ika, a galuega a tamā manu fakamasei ki ika e mafai o tuai io me ko fakaseai kātotoa atu.

Ko tena uiga, a ika po`loka e mafai o tausi mō se vaitaimi leva (i nisi taimi, mō masina e uke), kae ka faigofie foki te aveave ki koga `mao e aunoa mo ne fakamaseiga e oko ki ei.

E fakamatala i te pepa tenei, a auala ke fakatoka au ika ke fakapo`loka faka`lei, kae ke fakamautinoa aka foki me e se olo o ma`sei mafai ko po`loka.



SE A

E iloa ne koe me ko poloka `lei a te ika mafai a vai katoa i loto i tena fofitino ko pā`keke kae pō`loka.

E tolu a vaega tāua o te fakapolokaga o te ika ke `lei:

1. A te `moko e `tau o tukuifo fakavave ke nofo i te -1 tikulī i te fua `moko
2. Ke tumau te `moko i te -1 tikulī mō se vaitaimi ko te mea ko vai katoa i loto i te ika ke olo o pā`keke (a tamā manu koi mafai e iloa o ola i te taimi tenei, tela la e tāua `ki ke tuku ifo fakavave te `moko)
3. I te taimi e iloa ko pā`keke a vai i loto i te fofitino o te ika, a te `moko ka toe fanaifo ki lalo ke fakapā`keke aka a nisi vai.



PEFEA

Kafai ko pakeke `lei te ika, e `tau o tausi i loto i se aisa tela e tumau tena `moko i se -30 tikulī.


Mō aisa kola e fakaola ki te sola 12V/24V kae e se mafai o fakapoloka faka`lei i ei a mea, e `tau o seti faka`lei a te `moko o te aisa tenei ke fetau i `lei mo te `tau o te aso, taimi o te aso, te malosio o te patule e pena foki loa mo te uke a mea i loto i ei. E se mafai o tuku leva a ika mafai e seai se `moko.

A ika pō`loka e `tau o tukutuku faka`lei ko te mea ke isi se afusaga `moko i vāsia o ika takitasi, kae ke mafai foki o fai-gofie te fakagasuesue.

IKafai e se fano `lei te afusaga `moko i vāsia o ika, e mafai o se tumau te `moko mō ika katoa, tela e mafai ei o ma`sei a nisi ika, e ui loa e tuku i loto i te aisa. E mafai o fakaoga ne koe ne tamā potu lakau ke fakavāvā ki ei a ika pō`loka.

Fai se fakatokaga masani ke fakamau faka`lei te leva o ika pō`loka, kae ke muamua o fakatau a ika kola ko leva i loto i aisa.

Kafai ko oti ne malū se vaega io me ko te ika kātotoa tela ne fakapoloka, sa toe fakapolokagina. Kafai e toe fakapoloka, ka isi se avanoaga ke poisini a meakai mai ei.



PEPA O FAKAMATALAGA mō tino fāika, tino fakatau ikamo tino`togi ika




ATAFAI FAKA`LEI

Ke ata puke faka`lei atu ki ika i taimi katoa.

Ka faigata te fakapoloka mo te tausi atu ki ika mafai ne `pokomālo, pakia`kia io me ko ma`sae a tinae.

- Taumafai ke fakafoliki te taimi e puke atu koe ki ika.
- Fakaoga naifi mata`kai mo fakaau, tapale a filaumea (kalaumea) mo te `fuluga o ika
- Fakamautinoa ke mo a e pakia`kia a ika i te taimi e fakatoka, ufi io me tausi i ei



FULU KE`MA

E ui a te fakapolokaga o ika e mafai o fakafoliki i ei a galuega fakamasei a tamā manu, kafai ne lailai kae fakamaseigina a te ika ne tamā manu koi tuai o fakapoloka, e se `lei eiloa mafai e fakamalū te ika tena o kai.

A tamā manu mo te lailai e mafai o maua:

- I luga i te ika, e pena foki i loto i tena tinae
- I kogākoga i tafa o te ika
- I luga i mea fāika
- I luga i tino

Sose koga ne fakaoga ke `fulu kae tausi i ei a ika e `tau o `fulu faeloa ke `ma, kae e `tau o `fulu fakavave mafai ko oti ne fakagase kea`tea a ika mai te koga tena.

E se `tau lele eiloa o tuku atu a ika ki luga i te laukele.

Auala ke puipui a tamā manu ma`sei mo te lailai mai te fakamasei atu kae fakaseaoga a ika mo kai:

- Fakaoga a vai `ma ke fulu ki ei a ika
- Fakaoga faeloa a poloka `fou mo faka`moko a ika
- Fakaoga a mea `ma mo tausi a ika
- Taumafai o tausi ke mokomoko a ika i taimi katoa
- Pulou io me ufi faka`lei a ika i taimi katoa
- Sa talia ke tuku tasi a ika `mata mo ika `paku
- Tausi kae `fulu faka`ma te koga `fulu ika
- Tausi tou foitino ke `ma
- `Fulu faeloa ou lima ke `ma i taimi katoa
- Sa patele ki ika mafai koe e logologosala
- Tausi keatea a manu `lasi mo manu fo`liki
- Faka`mao keatea a kaiga mai i ika



FAKAVAVE

E ola vave tamā manu, tela la palani faka`lei ke fakafoliki te taimi e avaka ei a ika mai te tai o fakapoloka.

Ko te foliki o te taimi ne fakaoga ke aveave, tausi io me fakaasi atu i ei a ika ke `togi, ko te `lei tena.

Ke fakatumau te mata `fou o ika, e `tau faeloa o fakapoloka fakavave. A te fakapoloka malielie o te ika, e fai ei ke tō `lasi a kati poloka i loto i te ika tela ka fai ei ke masei a te `kano.

MANATU TĀUA

A te ika tela ne masei koi tuai o fakapoloka, e se fano o `lei mafai e fakapoloka. Fakapoloka fua a ika kola ne atafai faka`lei kae i se auala `ma.

A te fakapoloka e mafai o faka`lei aka i ei te tulaga o nai ika. Nisi e mafai o `kano ma`lō, se mata `fou, io me ka elo ne fai ne te sinu o te ika.

Ke puipui te ika mai te `kano malō, fakaoga mea ufi, io me ufi ki lalo i vai `moko ke mata fou, kae laku atu kati poloka ki ei mo puipui.

Ke puipui a sinu o ika ke mo a e ma`nogi, ke ufi faka`lei ke mo a e oko te ea ki te `kano, kae tausi atu i se koga `moko `ki (tela e `tau o nofo ki se -30 tikulī te `moko). E se gata i ei, a ika kola e `vaga, kae `kano `kena a faigata o ma`nogi a olotou sinu.

